

Informacija medijam Medieninformation

aktowe čisło / cysło Aktenzeichen:

wobdźělar, -ka / wobźělař, -ka Bearbeiter, -in:
Hanka Budarjowa / Hana Buder

telefonowe čisło / cysło Telefon:
+49 3591 550-330

mejłka E-Mail:
marketing-stiftung@sorben.com

datum Datum:
21.05.2021

Z posedženja Założboweje rady, štwórtk, 20.05.2021: Podpisanje Štwórteho financneho zrěčenja bliske Prezentacija digitalizaciskeho koncepta / Serbja přewozmu SAEK Budyšin

Zazběh do posedženja Założboweje rady tworješe Štwórte financne zrěčenje k zhromadnemu financowanju Założby za serbski lud přez Zwjazk, Kraj Braniborska a Swobodny stat Sakska w lětach 2021-2025, kotremuž je mjeztym tež Braniborske statne knježerstwo na kabinetowym posedženju 18. meje 2021 přihtosowało.

„Z tym je podpisanje Štwórteho financneho zrěčenja blisko.“ zwurazni předsydka Założboweje rady Susann Šenkec, kotraž posedženje nawjedowaše. „Ze zwyżnjom přiražkow wot 2021 ma Założba za serbski lud přeni raz w swojich stawiznach móžnosć, do nowych rěčnych a žiwjenskich rumow inwestować. Mam zwyżnje přiražkow za znamjo hłubokeje dowěry do džěta załožby. Zo móže wona nětk ze zwyżnjom přiražkow zaměrnjo planować, je wupłód angažowaneho džěta zamołwitych Zwjazka, Braniborskeje a Sakskeje kaž tež čłonow Parlamentariskeje přirady Założby za serbski lud.“ Džak potwjerdził je tež zapóslanc w Sakskim krajnym sejmje a předsyda Parlamentariskeje přirady załožby, Marko Šiman. Wón podšmórny, zo wočakuje nětk jara bórže podpisanje zrěčenja.

Dale zwěsći Założbowa rada w běhu posedženja jednohtósne wotličenje hospodarskeho lěta 2020 Założby za serbski lud.

W přichodnym dypku dnjoweho porjada zaběraše so rada z digitalizaciju a serbskim digitalizaciskim konceptom. W lětomaj 2019/2020 w nadawku Założboweje rady nadžěłany koncept a přenje naprawy k přesadženju so gremijej předstajichu. Wobłuki, kaž zawjazanje serbskeje rěče do načasnych rěčnych technologijow a wozjewjenje a wutwar digitalnych poskitkow k podpěranju nawuknjenja a nałožowanja serbsčiny maja prioritu. „Z digitalizaciskim konceptom předleži nam nětk dobry zakład za rozsudy wo aktiwitach w přichodnych lětach. Zo móžemy w juliju społnomócnjeneho za digitalizaciju přistajić, je wažny krok při zwoprawdženju koncepcije, kotryž pak njebudže sam dosahać. Tohodla je předwidžane, zo so za tónle wobtuk w přichodnych měsacach a lětach resursy, kooperacije a partnerstwa systematisce wutwarjeja.“ měni direktor Założby za serbski lud, Jan Budar. Pandemije dla so přewjedjenje dalšeje digitalizaciskeje konferency hišće radžiło njeje, to pak so lětsa w nazymje nachwata, zo by so koncepcija zjawnosći předstajiła a so wo namjetowanych napravach diskutować móhło.

W naležnosći Serbskeho instituta z.t. přihłosowaše Załožbowa rada zarjadowanju přidatneju dźěłoweju městnow we wobłuku institucionelneho spěchowanja: stej to městno za management třecich srědkow a městno za computerowu linguistiku/rěčne technologije/programěrowanje. Z tym ma so docpěte zawěsćić a digitalne prezentowanje slědženskich wuslědkow dale wuwěć.

Skrótka informowaše direktor załožby radu tež wo stawje zdžěłanja koncepcije „Serbski forum wědy na na Lawskim arealu“.

Załožbowa rada wobzamkny, zo ma so po wothłosowanju ze zarjadnišćemi, zamołwitymi za rěčne resursy, open-data-směrnica nadžěłać. Zaměr směrnicy je zmóžnjenje swobodneho wužiwanja serbskich rěčnych resursow za natwar a dalše wuwijanje projektow, kotrež nałożowanje serbsčiny podpěraja.

Załožbowa rada ma so w přichodže wo rěčnej situaciji w spěchowanych institucijach informować. W přichodže maja so tuž w hospodarskich jednanjach załožby ze spěchowanimi institucijemi rěčnopolitiske zaměry definować, kotrež wotpowěduja załožbowemu wotmysljej.

Dale dorozumichu so załožbowi radzićeljo wo móžnosći, skutkowanje SAEK Budyšin ze serbskim fokusom pokročować a po potrebnje rozšěrić. Kónc junija 2021 wuběži spěchowanje SLM (Sächsische Landesmedienanstalt) za SAEK Sakskeje, tež studijo w Budyšinje ma so zawrěć. Zaměr je, skutkowanje SAEK, počahujo so na serbske aktiwity, zdžeržec, při tym najwažniše wobłuki wutwaric a na cytu Łužicu rozšěrić. Zo by so w fazy natwara a wupróbowanja koncept nadžěłať, měť so SAEK z wulkim dźěłom techniskeho wuhotowanja a studijowym nawodu Michałom Cyžom wot 01.07.2021 na projektowej bazy wot załožby přewzać. K spočatkej lěta 2022 ma so potom nošna struktura wutworić.

Za kuratorij Myta Čišinskeho potwjerdžichu załožbowi radzićeljo za nowu wólbnu dobu 2021–2026 člonow Susann Šenkec, Marion Stenselowu, Leńku Thomasowu, Měranu Cušcynu, Martinu Nowakojc, dr. Janu Šoćčinu, Manfreda Hermaša a Jana Bělka.

W dalšim dypku dnjoweho porjada mějachu radzićeljo wo próstwje towarstwa Smy e.V. rozsudzić. Załožbowa rada wotpokaza próstwu Smy z.t. wo institucionelne spěchowanje Serbskeho Sejma z dnja 01.12.2020. Z tym, zo staji předmjet spěchowanja eksistencu załožby do prašenja, njewotpowěduje wón ani załožbowemu wotmysljej, kaž w statnym zrěčenju wo załoženju Załožby za serbski lud wopisany, ani woli załožitelow Załožby za serbski lud.

Na próstwu předsydky Załožboweje rady, Susann Šenkec, spominachu radzićeljo skrótka čicho na njeboh fararja Clemensa Hrjehorja, kotryž bě wot 1999 do 2000 předsyda Załožboweje rady.